

مستطابق

درسمادنده باب عالی جاده سنده
اداره مخصوصه
محل اداره :

انظار :
مسکرمزه موافق آثار جدیده مع المنوبینه
قبول اولنور
درج ابدلین آثار اعاده اولغاز

دین، فلسفه، ادبیات، حقوق و علوم دین باحث هفته لوق رساله در

مؤسسه : ابوالعلا زین العابدین - ح . اشرف ادیب

درسمادنده نسخه سی ۵۰ پاره در

قبیله دن مقوا بورو ایله کوندربیرسه سنوی
۲۰ غروش فضله آلنیر

تاریخ تاسیسی :

سنه لکی	۶۰	الهی آیاتی	۲۰
درسه دنده	۸۰		۴۰
ولایاتده	۸۰		۴۰
ملک اجنبیهده			

۱۱ نمره ۳۲۴

درسمادنده پوسته ایله کوندربیرسه ولایات بدلی اخذ اولنور.

عدد : ۲۸

۱۱ صفر ۳۲۷ پنجشنبه ۱۹ شباط ۳۲۴

ایکینجی جلد

احکام اسلامیه واجتهاد

اجتهادک احکام اسلامیه بدرجه تعلقی تعیین ایتک ایچون اولادین مبین اسلامده حاوی اولدینی احکامی دیرت قسمه تقسیم ایتمه مزاججاب ایدر.

۱ - احکام اصلیه و اعتقادیه در که ایکی نوعدر : برنجیسنه قرآن کریمده براهین عقلیه اقامه اولونمش ، حقیقه علم یقینی اکتسابی شرط قلمش در . وحدانیت الهیه و علم و قدرت و مشیت ، نظام خلق و تدبیر عالمده مراعات حکمت کبی صفات و شئونات سبحانیه و بیعت جلیله انبیا بو نوعندر . ایکنجی نوع : نظر عقیده محال اولماق شرطیه تسلیم و اعتراف اولنمی مطلوب اولان اعتقادات سائرده در . ملائکه کرام ایله بعث بعد الموت و احوال آخرت کبی عالم غیبه دائر حقائق قطیه بونده داخلدر .

۲ - تربیه روحیه و تنویر جدانه یاردم ایده جک ذکر و فکر الهی و عبادته متعلق افعال و احوال سائر حقیقه کی تعلیمات شرعیه در . انسانه مراقبه ربانیه تحتده بولنمی مذکر و جناب حقه توجه و اعتماد قلبی متمر اوله جق «صلات» کبی که بو سایهده شجاعت و کرم نفس و استقامت کبی پک چوق سجایای عالیه احراز اولنور .

انبای جنسه ترحم و تعطفله اختیار و اعتدالی برحیات مشترکه تحریرینه مدار اولان «زکات» ، صدقات واجبه و مفروضه . کذلک ماده حیات اولان طعام و شرابی - مس احتیاج و سهولت تناول ایله برابر - مدت معینه ظرفده بالاخیار ترکدن عبارت «صیام» که بو واسطه ایله حصول بولان ممارسه سایهسنده لدی الايجاب ضبط نفس ،

محافظة متانت و بالخاصه غنی اولان شخصه الم جوعی احساسله فقرايه مساوات فکری تمکن ایتکده در . برده نفوس امتده ، شعوب و قبائل مختلفه آرهسنده تعارف و تألف محبتی ، روابط اجتماعیه نک از زیاد قوتی اساس مهمنه اک بیوک یازدمی بولنان « حج شریف » کبی که دین مبینک نشأت اولاسنده کی مشاهد و آثاری رؤیت و مواقف و معاهدی ، اما کن جلیله معروفه بی طواف و زیارت ایله مبدء انتشار اسلام اولان زمان سعادت پیامبری بی ، اول هنکاه فیضا فیض جاودانی تذکر ، و احرام کبی اعمال مشترکه مشاهده سیله مساوات بین الناسی تفکر فوائد عالیسنی احتوادنده خالی دکلدر .

۳ - شرور و قباح ، منهیات و محارمندن تبری و برواحسان انواعی تحری ، بقدر الطاقه خیر و صلاحی تعاطی صورتیه تهذیب و تزکیه نفوسه مدار اوله جق مکارم اخلاق و محاسن آداب تاسیسنه دائر تلقینات .

۴ - افراد امت حقیقه کرب یکدیگرینه ، کرب اقوام سائریه نسبتله جریانی توصیه بیورولان معاملات دنیویه احکامی در که بونده سیاسی ومدنی حقوق شخصیه و عمومی و اداری و قضائی بتون تصرفات اصلاحیه قوانینی داخلدر .

الحاصل تفصیل احکام شرعیه «اعتقادات» ، «عبادات» ، «ملکات» و «معاملات» عنواندر ایله متمایز بولونان امور و احوال عبادیه دائر شو دیرت قسم احکام جلیله منحصردر . آرتق مقصده شروع ایدم : اعتقادیاتدن عبارت اولان قسم اولده معنای متعارفه اجتهاد جاری اولدینی کبی برفرده تقلیده مشروع دکلدر . اعتقاده متعلق احکامک اکثریسی برهان عقلی ایله قطعاً ثابت اولمش ، نصوص قرآنیه ایله ده

علمای اسلامک بوقسمه دائر مسائل اهمیت و قابلیت درجه سنه کوره ناسه نشر و تعلیم ایتلمری وظائف قطعیه لرندندر .
 ضروریات دینه قسمنده نه اجتهاد ، نه تقلید جاری اولماز . قسم دیگرک ثبوتی ایسه دلیله مستند اولمق ، اگر دلیل خاص موجود ایسه آنکه ، دکل ایسه مثلاً هر نافعک خیر و حلال و هر ضرر و اذانک شر و حرام اولسی کبی دلیل عام ایله بیلنمک واجبر . دین اسلامده نه قدر بویوک طانیلیرسه طانیلسون هیچ کیمسه قول مجرد ایله برشیئی تحلیل ویا تحریم ایتمک، دلیل شرعی ابراز ایتدکجه کندیسنه تقلید ایدمک حقنه مالک دکدر .

بوحل و حرمت مسائلی ده غایت مهم اولوب تطبیقاتنه اعتنا اولنماقجه اهل اسلامک امور معاش و معادی کسب انتظام ایتمک احتمالی یوقدر .
 بناء علی ذلک بوتون امت بو خصوصاتده کمال بصیرت اوزره بولنمق امر واجبر .
 مابعدی وار

مناسرتلی اسماعیل مفری

بخائب قرآنیة

سورة انبیاء : آیت - ۱۰۵

« ولقد کتبنا فی الزبور من بعد الذکر ان الارض یرثها عبادی الصالحون »

بز ذکر دن صکره [توراتده یازدق دن صکره] زبورده [کتاب داود علیه السلامده] یازدق که ارضه صالح قولریم وارث اولورلر .

نه قدر مدید و عمیق معنایی افاده ایدر بر بیان جلیل الهی ! تاریخک بتون صحیفه لری بوبیان بلیغک شرحیله ، شواهدق براهینی ایله مالامالدر . باقلسون ، بونجه اراضی و ممالک کیملرک الندن چیقور ، کیملرک داخل حوزة حکمرانیسی اولور . قلوب بشر لواء الحمد عدالت آلتنده مستظل امن و رفاهیت اولمق ایستر . حافظة انامده مکتوب اولان بوقانون ازلی ، تغیر ناپذیردر .

دمشق الشام مفتیسی استاذ جلیل محمود حمزه افندی مرحوم « البرهان علی بقاء ملک نبی عثمان الی آخر الزمان » نام اثر نفیسنده سلاطین آل عثمان حضراتک فضائل عدیده سنی و ملک و سلطنتلری الی نهایته الدوران پایدار اوله جنی صادق امین علیه افضل الصلاة والسلام افندی مزک اخبار مکاشفه آثار نبویلریله ظاهر و باهر اولدیغنی بیان ایتدیگی صره ده : « عارف بالله شیخ عبدالغنی نابلسی قدس سره حضرتلری سلاطین آل عثمان حضراتی حقنده نظم ایلدیکی « الطلعة البیہ » ده اهل کشفک تصریح لری اوزره ارضه ملک و سلطنتله وارث اولان عباد صالحین ایله بطریق الاشارة سلاطین آل عثمان حضراتی مقصود اولدیغنی ذکر ایلمشدر » دیور و شیخ مشارالیهک زیرده کی ابیاتنی نقل ایدیور :

تأیید بیورلمشدر . باقیسی ده قرآن کریم ویا سنت متواترده وارد و عقلاً محالیتی غیر ثابت اولسنه بناء قبول و تسلیم اولنمق لازم کیشدر .
 اما احادیث آحاد ایله — نه قدر قوی اسناد ایله مروی اولورسه اولسون — هیچ بر حکم اعتقادی ثابت اوله ماز . چونکه خبر واحد ظن افاده ایده بیلیر . احکام اعتقادییه ایسه یقینی اولمق شرطدر .

عبادات قسمنده هر مکلفه فرض اولان شی قرآن کریمده وارد اولان احکامی سنت نبویه ، احادیث صحیحه ایله بیان و تفسیر بیورلدیغنی وجهله اخذ و تلقی ایتمکدر . هر عبادت مفروضه حقنده شرف نزول ایلین آیت مجمله مشکات منیر رسالت پناهیدن مقبوس بیانات قولیه و فعلیه ایله اکتساب وضوح ایله مش ، وحی الهییه استنادی ثابت اولان کیات و کیفیات عبادات عیناً و تماماً قبول ایدلمشدر . یالکز ایسانی ضروری ویا مستحسن اولان ارکان و سائر نک تعیین و تمیزی بایندم تعمیقات اجتهادییه لزوم قالمشدر . بوده روایات مختلفه یچندن اصح اولانی ترجیح ، محمل اولان بر تعییری تفسیر صورتیله نتیجه لشمکده در .

هیچ بر مجتهد بر عبادت مفروضه حقنده اجتهاد ایله زیاده و نقصان اجراسنه ماذون دکدر . زیرا بونلر شارع طرفدن اتمام واکمال بیورلمش و عرف و زمان اختلافیله مختلف اولیه جقلری جهته مجتهدینک تصرفاتنه تفویض بیورلمق امکانی قالمشدر .

قسم ثالث ده قسم ثانی کبی اولوب بر شیئک حل و حرمتته دائر نص شرعی موجود ایکن مجتهدک ، خلافتیه قائل اوله میه جنی آشکاردر . یالکز مسکوت عنه اولان بر فعملک قیاسله حل ویا حرمتنی اثبات ایده بیلیر .

قرآن کریم صراحة بیان ایتدیگی امور خیریه و سیر مرضیه دن باشقه « وافعلوا الخیر » و « یسارعون فی الخیرات » کبی نصوص جلیله ایله ده علی الاطلاق عمل خیره دائر امری ، انواع برو احسانه ترغیبی محتویدر . هر امر معروفک مشروعیتنی و هر شر و منکرک ممنوعیتنی اعلان ایتمش ، فقط جزئیاتک عدم تناهی و اطرادینه منی هر برینک دائرة شمولنی فطرت سلیمه اربابنک فهم و اذعاننه احاله ایلمشدر . ایشته بوکاره رعاية دین اسلامده وارد اولان تفصیلاتی اعطادن صوکره هر مسلمان « فن یعمل مثقال ذرة خیراً یره و من یعمل مثقال ذرة شرّاً یره » دستور شریفنی تلقین و توضیح ایله خیر و شر تحدیدینی کندی وجداننه ، ادراک و اذعاننه ترک ایتمک اقتضا ایدر .

بوابده دین مبین اسلامک تعیین ایتمش اولدیغنی احکامک بر قسمی « ضروریات دینی » تسمیه اولونورکه بونلری بیلمین مسلمان یوقدر . عفت و امانت و صدق و استقامتک خیرینی و فواحش ظاهره و باطنه نک شریعت و شناعتی کبی . دیگر قسمی ده هر کسه معلوم اولیوب علم ایله مشغول بولونانلره مختصدر . حقوق اعتباریله قادینک ارککه ، بملوکک حره و غیر مسلمک مسلمه عدالت نظرنده مساواتی .. ولو پدر اولسون ولینک مولیه سنی ، تحت ولایتنده بولونان قیزی عضل ، کفوی اولان طالبه تزویجندن امتناع ایتمه سنک حرمتی کبی .